



無錫金匱縣志

卷三十九之十

藝文著述

雜識

ル-5
3047
16



門ル 6
號 3000
卷 16

門ル 6
號 2300
卷 16

門ル 5
號 3047
卷 16

無錫金匱縣志卷二十九

著述

後漢

外黃令集二卷 高彪見隋書注

處士梁鴻集三卷 梁鴻見隋書注

晉

通直常侍顧愷之文集七卷 顧愷之見隋書

啟蒙記三卷 顧愷之 啟疑記三卷 顧愷之以上見鄭樵通志

禹貢圖一卷 顧愷之見朱彞尊經義考 家傳 顧愷之見藝文類聚

宋

歷山唱和詩 湛挺

無錫金匱縣志 卷二十九 藝文

昭和九年六月十八日 購求

唐

茶經三篇 陸羽見唐書

君臣契三卷 陸羽

源解三十卷 陸羽

江表四姓譜十卷 陸羽

南北人物志十卷 陸羽

吳興歷官記三卷 陸羽

潮州刺史記一卷 陸羽

占夢三卷 陸羽以上見梁溪漫志

顧渚山記 陸羽見宋史

追昔游詩三卷 李紳見唐書

元禎制集二卷 李紳考乘云見鄭樵通志蓋元和貞元間制草也宋人避仁宗諱故作禎陳貞明年

號宋刻本皆作禎明與此正同

文藪十卷 皮日休

松陵集十卷 皮日休

別集七卷 皮日休

滑臺集一卷 皮日休

宋

龍圖閣書目七卷 杜鎬

十九代史目二卷 杜鎬

太清樓書目四卷 杜鎬

玉宸殿書目四卷 杜鎬

天章閣待制文集十卷奏議十卷 杜杞見歐陽文忠公集杞墓志

三徑老人砒砒集十三卷 杜杞見文獻通考

龜山集二十八卷 楊時見文獻通考今閩申刻本四十二卷內附語錄四卷及墓誌年譜

詩辨疑一卷 楊時 周禮義辨疑一卷 楊時

中庸解一卷 楊時 論語解二卷 楊時

三經義辨十卷 楊時 開成記事二卷 楊時以上見宋史

二程粹言二卷 楊時見欽定四庫全書 李修謨文集二十卷 李夔

兵易全圖景系三 卷三十一 藝文 二

禮記義十卷

李夔舊志作一卷誤

梁谿集一百八十卷附錄六

卷

李綱見欽定四庫全書舊志作一百二十卷

忠定奏議八十卷

李綱今存六十九卷

靖康傳信錄

李綱

建炎進退志

李綱

建炎時政記

李綱

梁谿易傳內外篇二十三卷

李綱文獻通考存十九卷今存七篇

論語詳說

李綱

大學解一卷

喻樛

玉泉論語學四卷

喻樛

豐公逸事一卷

喻樛

易義

喻樛

玉泉講解

喻樛

玉泉語錄

喻樛

遂初小橐六十卷

尤袤

內外制三十卷

尤袤以上見宋史本傳

遂初堂書目一卷

尤袤

梁谿遺橐一卷

尤袤以上見欽定四庫

全書

老子音訓九表

周禮辨義九表

尤袤一作

李肅簡文集

李祥

李肅簡奏議一卷

李祥

綠雲寮詩草

尤槩

全唐詩話

尤煇或作尤袤誤舊志又載煇有端

明日歷十一卷按此乃煇門人趙君發作以記煇生平行事非自撰也見萬柳溪邊舊話

五代登科記一卷

洪适

宋登科記二十一卷

洪适

荆門惠泉詩集二卷

洪适以上見宋史

盤洲集八十卷

洪适

隸古纂釋二十七卷

洪适

隸續二十一卷

洪适

小隱集七十卷

洪适

玉堂制草三十四卷

洪遵

東陽志十卷

洪遵以上見宋史

翰林羣書三卷

洪邁

翰林遺事一卷

洪邁

泉志十五卷

洪邁以上見
文獻通考

容齋隨筆共七十四卷

洪邁見

欽定四庫全書

夷堅集

洪邁

楚處猥橐一百四卷

洪邁

贅橐三十八卷

洪邁

瓊野錄四卷

洪邁

詞科進卷六卷

洪邁

節資治通鑑一百五十卷

洪邁

太祖太宗本紀三十五卷

洪邁

四朝史記三十卷

洪邁

列傳一百三十五卷

洪邁

漢苑羣書三卷

洪邁

記紹興以來所見二卷

洪邁

會稽和買事宜七卷

洪邁

次李瀚蒙求二卷

洪邁

皇族登科題名一卷

洪邁

唐千家詩一百卷

洪邁以上見宋史

唐人絕句詩一百卷

洪邁

楚處類橐二卷

洪邁以上見文獻通考

荆溪前後集八十九卷

別集九卷

洪邁

北扉集九卷

洪邁

西樞集四卷

洪邁

扈言五卷

洪邁

芻言五十篇

洪邁

廣州十賢贊一卷

洪邁

逸史三十卷

洪邁

袁思正集六卷

洪邁

論語解辨

洪邁

袁思與詩集

洪邁

章參政奏議二卷文集二十

章誼見宋史

翟忠惠文集三十卷

洪邁見文獻

通考 欽定四庫全書

籀史二卷

洪邁

翟忠惠家傳

洪邁

蒙齋文集

洪邁

護道錄一卷 胡珵見 宋史

蒼梧志 胡珵

錢遂初詩話 錢紳

同安志十卷 錢紳見 宋史

清波雜志二十卷 周輝見 宋史

江東十鑑 周輝

梁谿漫志十卷續志三卷 費袞 文章正派十卷 費袞

文選李善五臣註同異一卷 費袞以上 見宋史

顯翁記聞 李晦 惠泉小橐 李晦

事文類聚刊誤 李晦 李姓源流 李晦

家山圖畫 李晦 復初齋詩橐十二卷 九帶

葯莊廢橐 范晞 對牀夜話 范晞

薇山文集二十卷 虞薦 瘡瘍全書 竇漢

元

陸待制文集 陸以道

宋鑑提綱 陸以道

雲陽集 虞志道

金帚集 范致大

無錫志二十八卷 王仁輔

文橐十卷 王仁輔

遂昌山人雜錄一卷 鄭元祐

僑吳集十二卷 鄭元祐

庸齋別集 鄭元祐

硯雲草堂集 鄭元祐

清譚雅韻 鄭元祐

尙左書法 鄭元祐

荆南唱和集一卷 周砥

萬柳溪邊舊話三卷 九玘

清閟閣集十二卷 倪瓚

韞齋詩集 周翼

梧溪詩集七卷 王逢

詩經講說二十卷 王逢以上 見明史

易解大全 孟文 龍

昭先堂橐 陳顯曾錢大昕元史補志載昭先錄

思雨軒橐二書疑 卽在昭先堂橐內

休休居士集 陳汝霖

靜菴詩集 陳尙簡

錫山雜錄 陳尙簡

谷陽先生集 陳方一名 錫谷詩集

陳子尙集 陳高

不二心橐 孟栻

養閒詩集 華璫

雲峯樵唱 王實一名 東吳小橐

聽雪集 王實

黃楊集四卷 華幼武 見明史

明

慮得集 華棕 韓

確軒文集 李琛

確軒吟橐 李琛

語錄二卷 九文見明史

一梅軒日記 九文

雙桂集 徐伯樞 徐衍

昭鑒錄 張籌

一梧集 張籌

尋雲子集三卷 王師道

夷白齋集二十卷 陳基見明史

夷白齋外集一卷 陳基

眉菴集十二卷詞一卷 楊基

雪溪文集 徐績

秋林集 王亨

東湖集 華晞 顏

傳芳集 華晞 顏

錢公叔文集 錢蒙

錢氏三華集 錢蒙子 義仲益

錦樹山人集 錢仲益

九峯老人集 翟宏

義寧集 呂敏

無礙居士集 呂敏

靜寄集 倪峻

海篷漫橐 倪峻

廣漢三先生集 周世忠 世衡 益

見居吟 安宙見明初陳齋集 宙以指揮謫雲南楚

雄詩多在 楚雄時作

翦韭軒集 華擴

植梧文集 曹恕

東郊牧唱 沈睿

撒木文集 趙次 鈞

九峯樵唱 朱昇

天遊集二十二卷 王達

筆疇二卷 王達以上 見明史

易經選註 王達

詩書心法 王達

桂林機要 王達

尚論編 王達

紀行集 王達

漢上吟稟 王惟 允

一瓢集 俞海

舍人集十卷 浦源或作東 海生集四卷

友石集五卷 王紱明史作王 紱詩集五卷

書畫傳習錄 王紱

宜閒集 楊璠

文崖集 楊琛

蘇詩摘律 劉泖

編年紀行集 吳謙

耐聒詩集 余璿

余氏日鈔 余璿

學古類編 余璿

秋林集 陳勉

樂農窩集 華興 定

綠雲窩集 華景 安

鳴志堂集 顧協

月樓文集 倪敬

玉菴集 余樞

易贊 余樞

螢燭集 翟厚

錫山遺響 翟厚

續通畧 翟厚

戒軒集 馮善

家禮集 馮善

錫山新志 馮善

澹菴紀行集 成始終

歸田集 張九方

覆篲集 張九方

麗菴集 馮誣

卓齋集 張綬

冰壑集 盛顛

涿州志 張遜

鈍軒集 張遜

抱拙集六卷 秦樸見明史

卑牧吟橐 秦霖

湖南雜錄 秦霖

錢氏傳芳集 錢種德正德順德

錫山續志 李庶吳獅

網菴集 李庶

敬義存橐 談縉

荷橋子 談縉

修敬先生集八卷 秦旭

東臯集 秦藩

浙游集 秦用中

五峯遺橐八卷 秦夔

滌煩亭橐二卷 秦夔

晉菴集 陳賓

易義雜言一卷 談綱

易考圖義一卷 談綱

卜筮節要一卷 談綱

易指考辨一卷 談綱

周易愚慮二卷 談綱以上見明史

雙梧集 華昶

容春堂全集六十一卷 邵寶

簡端錄十二卷 邵寶

學史十三卷 邵寶一名日格子

左觴一卷 邵寶

漕政錄十八卷 邵寶

許州志三卷 邵寶以上見明史

定性書說 邵寶

惠山記三卷 邵寶見欽定四庫全書

杜詩集註 邵寶過棟

水南集 浦瑾朱彝尊靜志居詩話作桂巖集

希齋詩集 錢文

一誠齋文集 秦勵

鳳山詩集十卷 秦金

通惠河志二卷 秦金以上見明史

鳳山奏稿 秦金

撫湖政要 秦金

安楚錄 秦金

石巢遺稿 莫止

廣陵年稟 盛恂

思泉漫稟 呂元夫

伯川集 錢榮

周易發微 楊文

中庸臆說 楊文

鉛虛集 楊文

毛詩童見 黃鎧

周禮儀禮纂 黃鎧

鶴羣詩集 黃鎧

皆春堂集 黃鎧

太平逸民詩 華葦

常州府志續集八卷 張愷見明史

紀行集 張愷

東洛文集 張愷

樗林摘稿四卷 秦銓

柯麓靜稿 張琮

讀史閒評 秦銓

錫谷叢談 秦銓

春明筆奕 秦銓

紫薇堂稟 秦銳

續錫山遺響 莫息

水石詩集 盛良

南湖集 華炯

九經韻覽 華燧

治喪切問 華燧

宋史發明 華焮

東郊集 華焮

折鬚集 華德

肯齋遺稿 華基

少微堂集 華金

水西居士集十二卷 華鑰見明史

禮記集註 華鑰

居素集 九基

疏臆 顧治

夢言五臆 顧冶

王制考 李黼

周禮集註 李黼

性理五書補註 李黼

瀛海集 顧彥夫

濟寧州志十三卷 莫驄見明史

頤齋集 莫驄

奏議錄 莫驄

巖居彙八卷 華察見明史

翰苑留院皇華諸稟 華察

知退軒集 華察

碧山堂集 華察

遺芳集 錢惟常

夢呓詩稟 錢楷

句吳聞見錄 尤晉

學詩二十四卷 俞憲

盛明百家詩選一百卷 俞憲以上見明史

易學研幾 華子憲

春秋孔義 華子憲

獨知錄 華子憲

見微錄 華子憲

湖西草堂集 華漸

迴溪集 九瑛

五書彙萃 九瑛

豫菴集 華啟直

清源集 華仲亨

儀部集 華叔陽

方泉詩彙 倪容

芹野詩集 陳籌

玩世齋集 華師召

遼陽集 黃正色

張靜思先生集 張選附張纘曾奏疏

瓊州府山海圖說二卷 顧可久

洞陽詩集 顧可久

王右丞詩注 顧可久

梅村疏藁 曹懷

仲山詩選八卷 王問見明史

初筮齋集 王問

武陵詩選 施漸

讀書紀要 王表

過庭直訓 王表

銷夏編 王表

代奕編 王表

五湖集 王業

海洲文集 吳學

具茨詩文集十七卷 王立道

筠齋漫錄十卷 黃學海見明史

逍遙集 談一貫

長嘯集 談一貫

大學衍義補要 顧起

夏小正補解 顧起

小十三經 顧起

日省餘錄 顧起

類箋王右丞詩集 顧起

王司馬宮詞補註 顧起

句吳佚典 顧起

詩文集七十一卷 顧起

會真集記 顧起

易嚙語 顧起

詩解頤 顧起

檀弓別疏 顧起

唐四大家集 顧起

大厯才子詩選 顧起

廣小名錄 顧起

江右名畫記 顧起

國雅 顧起

春秋名臣傳十三卷 姚咨見明史

續百川學海 姚咨

從川詩集 秦瀚

巖棲集 秦瀚

碧山吟社志十卷 秦瀚

戶牖格言 強仕

小山吟稿 秦泮

前後平粵錄四卷 談愷

虔臺續志五卷 談愷以上見明史

十山文集 談愷

古今要語 秦涵

讀史百詠 秦涵

辨思錄 秦涵

石村橐 陳鳳

救民急務錄 華泮

懷李齋集 秦泮

三才通考 秦泮

春秋類編三十六卷 秦淪

戰國人才錄 秦淪

六箭河志 秦淪

游吟小橐 安國

紹興水利圖說二卷 賈應壁 見明史

藥菴漫橐 俞前寰

綠雲窩集 華雲

句吳集 華雲

楊莊簡集 楊成

咫聞錄五卷 華善 繼 見明史

璿璣抉微 華善 繼

濟川詩集 華善 繼

被褐集 華善 述

進德齋集 鄧義

尚友堂詩集 龔勉

性理纂要 施夢 龍

使三輔錄 施夢 龍

詩式 施夢 龍

嶼南集 施夢 龍

紹修堂詩集 秦梁

無錫志二十四卷 秦梁

清湖前後集 秦植

天垣疏橐六卷 秦耀

湖廣通志二百卷 秦耀

全楚奏議八卷 秦耀

荒政摘錄四卷 秦耀

鬱儀樓集 鄒迪 光

調象菴集 鄒迪 光

石語齋集 鄒迪 光

天倪齋集 鄒迪 光

始青閣集 鄒迪 光

愚公谷集 鄒迪 光

勵菴詩橐 施策

古文集遺 施策

唐詩類選 施策

錫山科甲考 施策

政餘橐 九弼

家居橐 九弼

采真堂集 胡濬

孫宗伯集十卷 孫繼

寒齋橐 錢百

奇聞類編 施顯

按東疏畧 嚴一

南祿勳政記 嚴一

國朝故實二百卷 周子

日錄見聞十卷 周子義以

中書直閣記 周子

穀語 周子

柳汀吟橐 秦宏

浮弋集 薛敷

續憲章錄 薛敷

惠山古今考十卷 談修見

無錫縣學筆記 談修

談氏文獻錄 談修

續文獻錄 談修

雍勝畧二十四卷 李應祥

得閒堂橐 萬象

涇陽文集二十卷 顧憲成

小心齋劄記十八卷 顧憲

大學通考一卷 顧憲

大學質言一卷 顧憲

東林商語二卷 顧憲

證性編八卷 顧憲

當下繹一卷 顧憲

寤言寐言一卷 顧憲

桑梓錄十卷 顧憲成以

東林會約 顧憲

還經錄 顧憲

虞山商語三卷 顧憲

仁文商語一卷 顧憲

南岳商語一卷 顧憲

經正堂商語一卷 顧憲

志矩堂商語一卷 顧憲

自反錄一卷 顧憲

紅箱集五十卷 九鏗見

雲鴻館集 九鏗

護鱗集 尤鏜

無錫山水志 尤鏜

停釣書六卷 尤鏜

露穎編 許世卿

中解編 許世卿

易圖說億言四卷 顧允成 見明史

小辨齋偶存八卷 顧允成

朱子兩大辨 顧允成

諫草二卷 侯先春

四書正刪正 陳幼學

四書罪罪知 陳幼學

禮樂考 陳幼學

欽恤題稟 陳幼學

芸堂日錄 陳幼學

高子遺書十二卷 高攀龍

東易孔義一卷 高攀龍

大易易簡說三卷 高攀龍

就正錄二卷 高攀龍 見明史

春秋孔義十二卷 高攀龍

正蒙集註 高攀龍

水居詩稟 高攀龍

朱子節要 高攀龍

邵文莊公年譜 高攀龍

東林志一卷 劉元珍

依庸絮語 劉元珍

湖畔逸農遺稟 劉元珍

天全堂集四卷 安希范

萍隱漫錄 安希范

養心日劄 安希范

讀書日箋 安希范

名山記遊 安希范

靖節忠節錄 周繼昌

三案記一卷 葉茂才 見明史

防囂止囂錄 葉茂才

見聞摘錄 葉茂才

興至吟 葉茂才

金剛經偈論疏注二卷 何湛之 見明史

白榆閣集 安紹芳

西林集 安紹芳

無錫金匱縣志

皇明四大法十二卷何棟如文廟雅樂考二卷何棟如以上見明史

校正古周易華兆登朝爽閣集華元

尚書講義顧應陽學庸詳說華文甫

東林商語張夢時庭學愛日張夢時

索居小詠張夢時三江遺藁吳應卯

周易像象述五卷吳桂森見明史易說吳桂森

像象金緘吳桂森書經說吳桂森

設易隨問吳桂森注釋春秋吳桂森

曲禮說吳桂森息齋筆記吳桂森

開泰錄吳桂森一斑錄吳桂森

石葉齋詩藁二卷華白滋東林講義施元微

三象粹精華允誼後菴文集華允誼

高忠憲公年譜初編華允誠春秋說華允誠

四書大全纂補華允誠東林諸賢言行錄五卷鄒期楨見

明史易蒙鄒期楨

尚書揆一鄒期楨學庸解畧鄒期楨

一簞軒劄記鄒期楨鶴湖小詠鄒期楨

洪範經世要語鄒期楨易纂全書宿夢鯉

菊蹊偶集張師曾禮樂舍編黃廣

續史五編黃廣錫山史逸黃廣

玉磬齋詩集 黃廣

四書筆旨 鄒期

孝經筆旨 鄒期

周易筆旨 鄒期

古今隱居錄三十卷 顧樞

西疇易彙三卷 顧樞以上見明史

端文公年譜 顧樞

端文要語 顧樞

西疇日鈔 顧樞

鳩緣集 嚴紹宗

孝經衍義六卷 張有

金剛經義趣廣衍三卷 張有

上見明史

東臯唱和集 秦垌

靜遠堂集 秦垌

範家集略六卷 秦坊

閑窗隨筆 顧宏

畫餘詞彙 華胥

三經偶得錄 秦重

惠山名勝志 華淑

明詩選 華淑

雪蕉集 華淑

吟安草 華淑

聖學源流錄 胡時

懷古堂文集 胡時

冷香齋集 胡時

大林遺彙六卷 馬瑞

曲禮注 周夢

易經尚書毛詩解 周夢

職方地圖三卷 陳組綬見明史

尚書說統 張雲

孝經講義 張雲

小學講義 張雲

五經纂類 張雲

四書說統刪補 張雲

經正錄 張雲

周易古本通義 華從

尚書秘旨 華從

易疏 吳其

書疏 吳其

澹寧居文集六卷 馬世奇見明史

澹寧居詩集三卷 馬世奇

忠鏡錄 馬世奇

易敘圖說二卷 秦鏞見明史

參同閣集六卷 秦鏞

周子通書半解 秦鏞

皇極內篇小衍 秦鏞

先儒四編 秦鏞

講錄二卷 秦鏞

淮海先生年譜 秦鏞

清江縣志 秦鏞

秦氏文獻十集 秦鏞

訂正九經 秦鏞

簡齋詩集 華學殷

壁經注疏 虞韶成

鳳池吟五編 華嘉蔭

心遠堂集二十卷 王永積

武定州志 王永積

錫山景物畧十卷 王永積

梁溪軼事 王永積

只可吟 堵允錫

耐可吟 堵允錫

詩禮春秋三經澤書 堵允錫

笨菴彙 孫源文

晴天屐 孫源文

悟秋集 顧杲

曉冷集 顧杲

上生集 秦熹

名物通 王恒一

三禮正宗 華時亨

春秋法鑒錄 華時亨

四傳異同 華時亨

春秋敘說 華時亨

先撥志畧 高士鶴

紫陽通志 高世泰

三楚文獻錄 高世泰

東林書院續志 高世泰

高子節要 高世泰

中庸問答 高世泰

忠憲公年譜 高世泰

寒木草堂集呂自成

赤霞集浦義升

讀書類秦欽

桑海經許學

禮記貫堵景濂

忠憲公年譜高世甯

錫山別考談高祐

山居贅論顧柔謙

焉文堂集十卷黃家舒

南忠紀錄黃家舒

生軒易說嚴毅

生軒存彙嚴毅

屬比直書嚴毅

東林書院志二卷嚴毅

易同嚴毅

易經通義嚴福孫

易像圖義嚴福孫

黃道圖說嚴福孫

小學論注張夏

洛閩源流錄張夏

十峯草堂集八卷錢肅潤

文澂二十卷錢肅潤

尚書體要六卷錢肅潤

山香集馬壬玉

九龍山樵集一卷安夏

說詩張韓

春秋綱秦沅

詩經多識秦沅

辟疆園集顧宸

宋文選顧宸

清招閣詩集秦溢

尚書日箋八卷顧嘉舜

表異錄四卷顧嘉舜

二泉書院志邵澄

典林一百五十五卷吳明珩

五經通說鄒初基

明文大業鄒初基

十大典故鄒初基

法海碎金鄒初基

明史快論鄒初基

無錫金匱縣志

卷三十九 藝文

七

疑聞略鄒初基

欵月堂詩許儀

蘭臯集十二卷馬季良

醫方摘元張用謙

醫經原旨徐吾元

關雎餘意名媛邵

上清詩集名媛秦淑貞

羸提閣詩集名媛王朗

永愁人集名媛龔靜照

夢室詩集釋至道

芝菴詩集釋惠熙

韻會增注釋信受

通鑑集覽正誤釋信受

惠山志釋至迪

惠山記釋圓顯

梵刹志十五卷釋昭惠

漢月禪師語錄釋法藏

五宗原釋法藏

大樹禪師語錄釋宏證

鄧山禪師語錄釋宏壁

毅菴禪師語錄釋觀英

國朝

唐書巢文集唐德亮

雪帆疏稟八十卷吳達

薪齋集八卷呂陽

扶輪集黃傳祖

繼白子集許其仁

襟蘭集堵廷棻

物外閒吟華慶遠

春草軒稟華遠臣

純齋詩稟蔣遵路

石農詩稟秦保寅

雪蕉集鄒忠倚

統天易說四卷費國瑄

抱犢山房集六卷嵇永仁

調運齋文集十二卷錢陸燦

毛詩日箋八卷秦松齡

蒼峴山人詩集六卷秦松齡

蒼峴山人文集六卷 秦松齡

明史擬稟四卷 秦松齡

易學晰微二十卷 秦松齡

西征紀畧二卷 嵇永福

淨緣居詩稟 周宏

秋水集二十卷 嚴繩孫

明史擬稟四卷 嚴繩孫

無錫縣志四十二卷 嚴繩孫

燕綵堂詩集 華長發

滄江百一詩 華長發

陳集生詩集 陳大成

含譽堂詩集 陳瑞聲

先賢語錄 安璿

續丙丁龜鑑 安璿

菴畫樓詩文集 安璿

往深齋詩集十卷 顧彩附往深齋詞

辟疆園文稟四卷 顧彩

匏園詩二卷 顧景文

楚游草一卷 顧景文

讀史方輿紀要一百三十卷

顧祖禹

宛溪詩文遺稟 顧祖禹

書經正旨 顧祖禹

青巖集 張光緯

黃夏孫遺文四卷 黃瑚

吾與堂詩集十卷 劉霖恒

楚頌堂詩集六卷 顧貞觀

彈指詞二卷 顧貞觀

邑志補訂 顧貞觀

青梧集三卷 嚴泂曾

鄒黎眉詩集 鄒顯吉

鮑讓侯詩集 鮑鼎銓

蓉湖詩文稟 季騏光

臺灣紀畧二志 季騏光

鄒可遠遺詩 鄒溶

易韋一卷 朱襄

一亭雲集二卷 朱襄

漫與集二卷 朱襄

明季北略二十四卷 計六奇

明季南略十八卷 計六奇

周禮集解二十四卷 高愈

小學纂注六卷 高愈

老子道德經解 高愈

薛胡羅三先生要語 高愈

詩經水月 周士茂

讀易偶存六卷 華學泉

春秋經傳日鈔二十八卷 華學泉

春秋疑義二卷 華學泉

春秋類十二卷 華學泉

春秋疑義二卷 華學泉

增訂周禮集解二十四卷 華學泉

老子疏義二卷 華學泉

儀禮喪服或問一卷 華學泉

老子疏義二卷 華學泉

楞嚴疏鈔十卷 華學泉

霞峯文鈔二卷 華學泉

劉存軒文集十卷 劉齊

慎獨齋詩 劉齊

古易藏本 陸楣

周禮增定一卷 陸楣

陸鐵莊文集六卷 陸楣

疎快軒詩一卷 陸楣

師善堂集十卷 嵇曾筠

浙江通志 嵇曾筠

河防奏議十卷 嵇曾筠

泉南山人詩集六卷 秦道然

明儒語要四卷 秦道然

困知私記一卷 秦道然

顧中展詩集 顧仁垣

游梁草二卷 顧仁垣

雲川閣集十四卷 杜詔

唐詩叩彈集十二卷 杜詔

讀史論略一卷 杜詔

香樹山房詩集 徐珽

求志居文彙一卷 錢炎

性理註釋 華希閔

易書詩春秋集說各十卷 華希閔

中庸剩語論語講義共三卷 華希閔

通鑑地理今釋四十二卷 華希 閱

金匱縣志二十卷 華希 閱 廣事類賦四十卷 華希 閱

延緣閣集十二卷 華希 閱 錫山文獻集 王史直道光間 華湛恩取其文

集殘本重編付梓凡二十卷日錫山文集其獻集佚 宋詩類選二十四卷 王史 鑑

醉經草堂文集 王史 鑑 瞻橋小志四卷 王史 鑑

開化志二卷 王抱 承 西神叢語 黃起 蛟

離騷註 王邦 采 吳淵頴集註 王邦 采

徐孝節集註 王邦 采 晁具茨集註 王邦 采

讀書隨記 王邦 采 芥軒詩藁 李崧

曉滄集 潘果 鬲凡集 華龍 翔

離騷集解 邵煥 毛詩勺 邵煥

移山詩草 邵煥 勉菴詩藁 俞魯 瞻

卯茗欵乃集 俞玉 局 南榮詩藁 劉瞻 榕

東園詩草 徐漢倬 詞附 虛舟文集 王澍

淳化秘閣帖考正十二卷 王澍 樹 竹雲題跋四卷 王澍

易卦私箋 蔣衡 毛詩疑 蔣衡

拙存堂文集 蔣衡 學詩偶存 蔣衡

小山詩鈔 鄒一 桂 小山畫譜二卷 鄒一 桂

鄒宗伯自定年譜二卷 鄒一 桂 秦氏金石錄六十卷 秦枝 桂

澹雲詩草 徐梁 棟 史通通釋二十卷 浦起 龍

讀杜心解二十四卷 龍浦起

不是集十二卷 龍浦起

古文眉詮八十卷 龍浦起

無錫縣志四十二卷 龍浦起

交翠軒橐 王繩曾

尚書質疑二卷 顧棟高

毛詩類釋二十一卷續編三卷 顧棟高

春秋大事表五十卷 顧棟高附春秋輿圖一卷附錄一卷

毛詩訂詁三十卷 顧棟高 儀禮指掌宮室圖 顧棟高

司馬溫公年譜十卷 顧棟高 王荆公年譜五卷 顧棟高

萬卷樓文集十二卷 顧棟高 禮經本義三十九卷 蔡德晉

禮傳本義二十卷 蔡德晉 通禮八十一卷 蔡德晉

詩經集義十六卷 蔡德晉 治河年譜 嵇璜

五禮通考二百六十二卷 秦蕙田

味經窩詩文類橐二十八卷 秦蕙田

周易象義日鈔 秦蕙田 易象約言二卷 吳鼎

洪範集註二卷 吳鼎 儀禮集說二卷 吳鼎

春秋修註四卷 吳鼎 三正考二卷 吳鼎

朱門授受錄十卷 吳鼎 未發質疑五卷 吳鼎

律呂源流十二卷 吳鼎 十家易說 吳鼎

易堂問目四卷 吳鼎 易例舉要 吳鼎

勺文十卷 唐誠 律悟一卷 吳熙

律問八卷 吳熙 樂阜山堂橐十二卷 王會汾

雲逗樓集二卷 楊度

昌黎全集編年二十卷 華滋

考工記集註 華滋

存之堂詩稿 楊孝元

周禮指掌六卷 楊潮

左鑑 楊潮

歐舫詩集四卷 朱修

書畫史述八卷 朱筠

古詩經解十六卷 虞佐

歷學末議 談丁

欄香詩鈔四卷 朱克敏

歷法大成十卷 楊國鈞

本朝國史歷志十一卷 楊作

律志彙二卷 楊作

火星論一卷 楊作

句股論二卷 楊作

幾何補編一卷 楊作

幾何增解一卷 楊作

星學真源一卷 楊作

補王寅旭野歷四卷 楊作

方程圖解一卷 楊作

源源星海八卷 楊作

三角會編四卷 楊作

東林書院志二十二卷 許獻

六有齋就正彙十卷 許獻

易知編 李廷

二磯山人詩集六卷 徐德宗

止齋詩鈔四卷 趙夔

聞見錄四卷 趙夔

沙邨書屋詩文彙四卷 徐流方

咫聞十八卷 徐流方

識小錄 黃印一名

辰象考四卷 華玉

澹園詩文集十一卷 華玉

經禮傳辨義考工記辨義周禮集說治河原委春秋輿

地考各一卷 華玉

泉幣考三卷 華玉

巖詩草 華育

也軒筆記二卷 秦鴻

渾蓋通憲解一卷鮑祖述 貽燕樓詩稟劉執玉

春秋隨筆二卷顧奎光 毛詩牖日錄四卷顧奎光

然疑錄顧奎光 瀘溪縣志顧奎光

雙溪文彙十卷顧奎光 雙溪詩集八卷詞二卷顧奎光

詩經比義述四卷王千仞 類谷居稟諸洛

若舫詩文彙秦鈞儀 寄淮草二卷吳峻

蜀游草二卷吳峻 梁溪詩話四卷吳峻

尋樂軒詩稟吳峻 岵齋詩文彙六卷秦朝鈺

響泉集二十卷顧光旭 梁溪詩鈔五十八卷顧光旭

武甯縣志鄒應元 易經觀玩編二卷朱宗洛

畫莊類稿十四卷朱雲駿 大雅堂集四十卷鄒方鏗

金石訂例沈金鏊 沈氏尊生書七十二卷沈金鏊

翠茗軒詩鈔十四卷詞四卷顧斗光 讀畫山房遺稿六卷鮑汀

列女樂府八卷顧斗光 傳神秘要一卷蔣驥見欽定四庫全書

臨清守城日記一卷秦震鈞 午風堂筆記鄒炳泰

午風堂詩集鄒炳泰 小峴山人詩集二十六卷秦瀛

細論處詩鈔四卷俞模 小峴山人文初集六卷續集二卷秦瀛

小峴山人文初集六卷續集二卷秦瀛 已未詞科錄十二卷秦瀛

遂菴日知錄八卷秦瀛 重訂淮海公年譜六卷秦瀛

政餘偶存六卷秦瀛

無錫金匱縣志四十卷 秦瀛 春秋左傳地名考一卷 錢俊選

三經彙疏周易二百卷春秋一百卷詩經一百卷 蔣起元

泚澗百金方十四卷 袁宮桂此書皆兵家言自署惠麓酒民

詩測六卷 秦鳴雷 說文字原集註十二卷 蔣和

象形字譜 蔣和 夏時考一卷 安吉

說文諧聲韻徵 安吉 十二山人文彙 安吉

芙蓉山館詩詞文鈔 楊芳燦 六代三唐駢體文鈔 楊芳燦

慎戰慎守編三十卷 秦鼎雲 一枝軒彙 施晉

映山閣詩集十二卷 徐鏞 桐花吟彙十二卷 楊揆

衛藏紀聞 楊揆 辟疆園遺集 顧敏恒顧敦愉顧敬恂顧敬憲

臨川縣續志六卷 秦沆 易圖彙解四卷 周翀

海寇紀略 華瑞 易意彙二十卷 吳鴻前

犢山類彙 周鎬 史論六卷 侯鳳苞

畫水詩文彙 薛玉堂 墨竹詩齋古文十卷 顧皋

福建通志 孫爾準 泰雲堂集 孫爾準

書畫續錄 嵇承咸 梁溪書畫徵 嵇承咸

中西星要二卷 倪榮桂 尚綱堂詩文集 劉嗣綰

履園叢話十四卷 錢泳 樂潛堂詩詞 趙函

壺園詩鈔 徐寶善 漢魏五代樂府 徐寶善

真松閣詞六卷 楊夔 匏園掌錄 楊夔

無錫金匱縣志 卷三十九 藝文 三

拜石山房詩詞鈔 顧翰

金粟菴集 顧翊

古桐書屋文集 鄒導

錫金志外五卷 華湛

世忠堂文集六卷 鄒鳴鶴

寶素齋詩集十卷 鄒鳴鶴

道齊正軌二十卷 鄒鳴鶴

汴梁守城紀略一卷 鄒鳴鶴

經史天文志表十八卷 唐汝翼

憶故錄 鄒安

孫仰晦先生文集七卷 孫希朱

幼儀輯略一卷 孫希朱

勸戒贅言二卷 孫希朱

身範十三卷 孫希朱

省身格三卷 孫希朱

讀書劄記三卷 孫希朱

書堂壁貼三卷 孫希朱

錫金考乘十四卷 周有壬

梁溪文鈔八十卷 周有壬

句吳金石考六卷 周有壬

惠山記續編三卷 邵涵初

治蝗全法四卷 顧彥

留瀝吟館詞一卷 沈瑩

張端甫遺稟 張岳駿

嶧青閣遺稟 張應蘭

禹貢古今注通釋六卷 侯楨

詩經箋雅八卷譜二卷 侯楨

古杼秋館詩文集三卷 侯楨

侯給諫年譜 侯楨

吳中平寇記八卷 錢勛

雙影盦詩詞 錢勛

棲香閣詩詞稿 名媛顧文婉

綠園小草 名媛薛瓊附絳雪詞

冰壺小草 名媛倪素玉

亦南廬小彙一卷 名媛劉若瑗

繡餘詩稿 名媛華瑤

筠心集二卷 名媛劉汝藻

慎餘齋詩稿 名媛鄒蕙貞

周易觀象 釋妙復

石林詩彙四卷 釋妙復

青溪詩集二卷 道士侯佐

無錫金匱縣志卷二十九終

無錫金匱縣志卷四十

雜識

拾遺摭言蓋取不賢識小之義惟是稗官紀載往往尙
 恢詭侈神怪君子病之茲編所錄於舊志或增或刪大
 旨務歸雅馴旁徵遠引足以廣見聞而資考證詞人之
 叢談閨媛之軼事並附見焉志雜識第三十九
 搜神記無錫上干陂吏丁初行陂塘見少婦青衣青繖呼
 初初疾行婦人轉遠顧見自投陂水視之乃大獺衣繖
 並荷花也上干陂邑西南七十里

龍尾陵道有白龍潭風土記東晉山民妻娠三年產一龍

色如銀七日而昇母死葬山頂後所居成潭見咸淳志

案此非周處風土記處卒於西晉也咸淳志引此記或及隋事當是隋唐間人所撰故次於搜神之後以上二條事涉語怪以所出較古仍從嘉慶志存之

東坡讀隋書地理志云黃州有永安郡州東有永安城圖

經謂春申君故城蓋非是春申之居乃在吳國今無錫

惠山有春申君廟近是按楚都申郢故黃歇封於春申

如齊之孟嘗魏之信陵趙之平原各在其地黃之永安

爲春申故城蓋始封也謂之春者蘄春壽春是也謂之

申者申光之間是也當是兼二城而封猶田文之食常

薛耳後楚并吳秦侵申郢楚遷壽春黃歇始請吳之故

都居焉然行相事未嘗去國其廟則後人作之也

李德裕在中書好惠山泉寘水遞以進皮日休爲詩譏之

曰丞相常思煮茗時郡侯催發只嫌遲吳關去國三千

里莫笑楊妃愛荔枝

小洞穿斜竹重階夾細莎此唐張祐題惠山寺詩也萬曆

中邑士談修謂周文襄祠右小橋卽小洞故處洞在階

之內階有土垣界於其中故名重階以寓男女別塗之

意因修而復之勒祐詩於石表之垣中其說頗近穿鑿

皮日休有贈魏不琢五賦詩其序云江南秋風時乘短舫

載甌酒加以隱具由五瀉涇入震澤穿松陵抵杭越日

休嘗聞道於不琢敢不求雅物成雅思乎於是買釣船
一謂之五瀉舟又華頂杖一太湖硯一烏龍養和一訶
陵樽一皆寄於不琢爲詩五首目之曰五貺

案舊志流寓傳有陸龜蒙稱其每由邑之五瀉湖經震澤穿松陵抵杭越因名舟曰五瀉此與日休詩序正同蓋誤屬龜蒙也龜蒙雖嘗游無錫實未卜居故今流寓去其傳而附識於此

東坡南遷後北還次毘陵時久旱得雨邑人袁思與點呈
一絕句云青蓋美人回鳳帶繡衣男子返雲車上天一
笑渾無事從此人間樂有餘東坡大喜爲之重寫且以
手簡褒之至今袁氏刻石藏於家

王晉卿駙馬寫陸羽煎茶圖無錫九龍山前景也喬松芳

潤老梅著花後有東坡少游題字見畫史

泉以罌瓶挈至遠方必取山中石子置其內雖歷久而味
不敗蓋石性堅重能淀濁理固如此黃山谷謝黃從善
寄惠泉詩云錫谷寒泉掬石俱李獻吉謝人送惠泉詩
云中涵石子蕪苔綠吳匏菴謝馮龍泉夔送惠泉詩云
磊磊石子在中涵數峯青此之謂矣

政和甲午始貢泉水月進百罇先是以十二罇爲水式泥
卵置泉亭中每貢發以之爲則至靖康丙午罷貢開之
水味不變與他水異也見墨莊漫錄

紹興辛巳高宗視師江上至無錫幸惠山酌泉泉上汲桶

有吳安二字蓋閩吏姓名而侍衛見之皆喜謂吳地可安也

尤文簡致政歸居束帶河大第數步卽出關渡梁溪因造圃於其上題曰樂溪後有高岡左種梅數百枝右種海棠亦數百株花時最勝公嘗爲瑞鷓鴣各一首詠之落梅詞梁溪西畔小橋東落葉紛紛水映紅五夜客愁花片裏一年春事角聲中歌殘玉樹人何在舞破山香曲未終卻憶孤山醉歸路馬蹄香雪襯東風海棠詞兩行芳蕊傍溪陰一笑嫣然抵萬金烈火照林光灼灼彤霞射水影沈沈晚妝無力胭脂重夜醉方酣酒暈深定是格高難著句不應工部總無心

尤文簡藏書最富其遂初堂書目跋見藝文又楊誠齋序其益齋書目云延之每公退則閉戶謝客日計手鈔若干古書其子弟及諸女亦鈔書謂予曰吾所鈔書若干卷將彙而目之以代餓之肉寒之裘寂處之朋友幽憂之金石琴瑟也

尤文簡書法高古世不多覩惟曾幼卿鳳墅帖載有文簡與其父無玷侍郎手牘一則云表講聞高義之日久矣得趙憲景明書說足下不容口益起思賢之念恨相去遠未得承顏接辭乃辱惠誨不勝感慰竊窺藻麗益知

無金全圖卷之四十一
所縑衰承乏於此得同王事懼不聞過凡有可以鐫切者勿惜自此片紙往復勿用俗禮乃幸目昏臂疼不能盡復來貺草此一紙爲報殊愧率畧也表頓首是牘大興翁方綱見而重摹之以寄秦侍郎瀛爲刻而置之惠

山祠壁

洪容齋夷堅志紹興戊午冬予兄弟奉先夫人之喪居無錫大池塢外家墳菴前後巨松二萬株明年春兩松各結一毬翠葉圍繞宛然天成菴僧曰近村邊氏墓松亦嘗有此其孫安野預薦今數二而大豈非沈氏有二子登科乎時外兄沈自彊自求應進士舉旣而皆不利而

余伯氏仲氏乃以壬戌中博學宏詞蓋此時正在菴肄業乃合二毬之瑞

周草窗癸辛雜識云汪應辰端明本玉山縣弓手子喻子材爲尉授諸子學有兵在側言某兒頗知讀書可使侍筆硯呼兒視之狀貌偉然不同常兒喻大驚留授之學許妻以女年十八魁天下以忠直聞按宋史喻樗傳樗二女方擇配富人交請婚不許見汪洋及張孝祥曰佳士也遂以妻之洋卽應辰也紹興五年進士第一孝祥紹興二十四年進士第一

郝公遺愛具載德化記中後累遷知蘄州曰無錫吾之桐

鄉也因家焉築室梁溪之上崇敞深靚環以花竹歲時
夫婦坐上諸郎袍笏燦然舊志郝子孫始居無錫者誤
許舍山中多虎童男女晝不出戶尤待制叔保居之使人
拾棟樹子數十斛作大繩以棟子寘繩股中埋於山之
四圍不四五年棟大成城土人遂呼爲棟城乃作四門
時其啟閉虎不敢入

宋許月卿追賦暮遊詩序云余以庚子冬絜絜離廣陵將
肄奉常試業於京師舟泊無錫日已暮與王希聖微服
遊南禪蓋訪古也參寥題名壁無恙寺記有碑碑陰結
字甚偉視之蔡京也出門烟樹蒼然數僧偶語而已余
與希聖卻立四顧曰此佳景也當寫之爲詩而舉子業
亂其中不能就暇日追想宛在予目因賦寄希聖其明
年冬十一月也詩云錫山舟泊似荒村微服南禪古蹟
存壁上姓名今已遠碑陰人物了能言薄游草草霜侵
袖遠思悠悠風滿軒攜手出門烟樹密數僧離立語黃
昏

姜夔嘗至無錫謁尤文簡論詩丙辰之臘嘗寓邑之新安
溪作江梅引浣溪紗等詞又致周密書稱張平甫欲割
錫山膏腴以養其山林無用之身云云並見白石集平
甫蓋邑人也

案夔以慶元二年丙辰冬自吳興詣梁溪道經松江見慶宮春詞序其詞又有丙辰歲不盡五日松江作一闕是其至錫在臘尾矣又以江梅引詞序考之其時蓋欲適淮而留此度歲非久居也考乘謂夔當列流寓非是

淮海周輝云輝家惠山泉石皆几案間物故東來數問松竹平安信且時致陸子泉茗椀殊不落莫頃歲亦可致於汴都但未免瓶盎氣用細砂淋過則如新汲矣

倪元鎮嘗攜妾輕雲放舟錫山下畫萬壑爭流圖陽羨陳氏藏雲林十萬圖此其一也十萬圖皆爲陶九成作

雲林平生不畫人物惟龍門生一幅有之不用印章有一方曰荆蠻民而已

清閼閣前苔蘚盈階不容人跡綠縲可愛落葉時則令小溪綴鍼於杖端挑而出之

開先寺僧方崖志慕雲林而未遘恥借客面乃寫墨蘭於扇持以爲贄雲林倒屣迎之卽夕賦詩蘭上曰蕭散重居寺春風蕙草生幽林蒼蘚地綠葉暗璫莖早悟聞思入終由幻化成虛空描不盡明月照敷榮旦起亦畫蘭以贈臨行復助修佛寺銀五十兩方崖用以造一精舍以待雲林之來雲林至吳卽以爲居停所見包山漫記王荅溪嘗賦如夢令曰林下一溪春水林上數峯嵐翠中有隱居人茅屋數間而已無事無事石上坐看雲起高房山尙書愛其言嘗爲作圖張居貞題云歌此芙蓉窈

宛章山陰茅宇日淒涼不是筆端天與巧誰割雲山與
侍郎此圖久爲遠人所得倪元鎮因用其意寫贈王仲
冕梧溪老人王逢時題其後曰予謝病將還鄉壠道宿
寶雲禪舍與王仲冕論心見先友倪幼霞畫且獲觀王
蓉溪張居貞二公詩詞仲冕徵予賦詩亦爲長短句一
闕檐葺數株松子村遶一溪菰米鷗外迴聞雞遙望雲
山烟水多此多此酒進玉盤雙鯉

元教授程清遠章白自洪中避仇居邑之周涇與周玩易
衡友善明太祖召玩易爲右正言清遠賦詩送之諸大
老見而賞歎共薦於朝下詔特徵清遠避匿有司求得

之不得已隨使者入都至丹陽遇玩易忤旨斬首喪還
清遠撫棺大慟口語曰當全尸見先人於地下耳遂自
縊死一時邑士有高名者楊承一削髮爲僧呂方朱紹
晦去爲黃冠王約錢勤佯狂相攜歌於闔闔時錫麓梅
村梁溪三詩社皆廢本學生託疾焚書者半

孟來魯字質夫世居新安博學多異術尤精天文元季教
其子孔文孔舉孔學習泗水刺船賣其田廬造三舟泊
於笠湖之濱質夫八十餘卒未幾四海鼎沸孔文兄弟
安處湖干寇至則避湖中隨蓬來往卒邁昇平後孔文
應人材辟拜會稽長年已七十治尙寬平入覲奏父天

文書有綵幣黃金之賞引年歸

馮志云洪武初教諭得自請訓導翊教頂平巾諸生自給束修進退自便二十五年賜冠帶給俸廩自王達始洪武以後訓導由儒士考中除授其爲貢生授職不詳所始至舉人就教則稱署教諭事

洪武戊午夏四月雨雹橫山居人蕭天祐在城中三日後歸啟其室見階下有四石子一白如玉隱起竹葉紋一深紅色一淺紅色皆如寶石有芒采一最小者鴉青色王學士達題其居曰天寶

張壽義犬志曰大明開天建元洪武余以徵召赴京師待

罪翰林應奉超拜尙書禮部明年己酉夏四月二十七日先考背棄五月五日奔歸喪次營卜宅兆講服喪禮時則有鄰媪得菴費翁數相過從六月旣望時雨兼旬初霽余訪得菴於弓河草堂步行新橋委巷泥濘沒屐齒余踞盤石濯足呼得菴欵柴關而有蛇蟠石交縛余左足事出不意時惟一黃犬隨余行余顧犬太息犬解余意嚙蛇數段犬伏毒就斃得菴始出見驚駭相慰謂古人有帷蓋之義俾余掩之余相盛河南隅一邱用篔席四襲坎葬云嗚呼古有銜結之報書傳所載非誣也乃余親受此犬脫非常之厄謹朱書元石追而納之壙

與得菴親臨視焉雖然余負此犬多矣余乃一梧主人
姓張氏葬之爲六月二十四日

朱彝尊靜志居詩話浦舍人長源居九龍山中築聽松軒
凌彥翀爲作記其後舟經淮河溺死故王達善祭以文
云長源之文豔若天葩云何不幸竟墮泥沙詩工七律
句如聽雞曉闕疎星白走馬春郊細柳黃細雨疎燈聞
落葉斷雲高樹見明河雨中黃葉孤村路湖上青山遠
寺鐘三月春陰垂細雨幾家寒食起新烟春潮渡口停
官舫夜雨山頭見驛燈衣上暮寒吳苑雨馬頭秋色晉
陵山潮生漁浦疊看下雨過鄰家竹許鉏官路暝烟迷

驛舍郡城寒火出更樓青山馬尾鸞弓見畫角城頭帶
月吹暮雨燈明湖上塢秋風砧響郭西家杏花寒食春
江店榕葉熏風瘴海船今夜風傳何處笛他鄉月照故
園衣寒廳掩雪晨衙散暮郭連山夜燒明均有風韻匪
僅雲邊樹裏一聯而已亦善畫山水竹石學倪雲林程
原道詩所云雲林弟子浦長源也

綺塍街元明之間最繁盛夾路喬木古藤飛樓連閣浦長
源詩所謂出郭樓臺三四里游人不得見山容也又謠
云惠山街五里長踏花歸鞵底香今皆無之

永樂中敕天下方面官保舉孝廉之士被舉者六十五人

又詔吏部差官密訪學行並優者吏部以十五人名上無錫尤文列第二命詞臣撰徵書各該有司官詣門勸駕文以老母力辭不赴既而徵至京者十三人擢布政七人授參政五人賜釋褐一人不至者文與梧州吳貞簡鶴也

明初陸季平士隆葛仲威桓李宗吉孟善施糾定武並以直言得禍吳東記聞稱錫山四忠嘉靖中楊果齋淮顧洞陽可久張靜思選黃斗南正色俱以直言受杖邑中稱錫谷四諫時有善畫者寫四公像爲錫谷四諫圖盛中丞顛長厚不忘故人有鄰叟余種業楹桶公少與相識及爲副都御史還往訪余值其祀神因留飯其家無席覆桶而布饌焉對飲至醉而別

西梁溪東迴溪宋元時溪流甚廣後周文襄公取三墩土填迴溪爲良田今僅存帶水明初尤徵君文與王孟端並居溪上過庭章去溪半里許三君相得甚歡孟端畫家溪六景曰春波雨意秋霖水漲羣魚捕獺蘆洲集雁晴漁曬網雪霽鴉翔庭章亦畫溪崗九松合唱和詩爲一軸

舊傳周文襄忱故無錫人父元祐文襄幼時受學於王學士達後忽爲賈挾去遂隸吉水賈亦周姓至撫吳時求

周氏祖祠爲免其地稅此說近誣不足信文襄撫吳爲德於民者甚大故民德之爲立祠惠山王新城撫拾淨詞謂文襄詔事劉瑾自稱孝孫果爾邵文莊惠山詩安得有南祠忠定北文襄之語耶

邊華泉有送秦用中文學詩云玉真臺下三間屋屋後有松前有竹廣文先生雙鬢禿長對青藜夜深讀用中字擇之與七子皆定交論詩此則除投江西安化訓導華泉贈行作也擇之又有致何大復書云別來閱數年一官偃蹇秉鐸泰順於澗中最爲僻遠所喜永嘉江山雄秀前後得詩廿六首錄奉教削不宜用中謹狀

張養浩瓚字廷美剛直慎取與嘗行高橋之南遇醉而鬪者一人墜金於地張拾而默觀焉比鬪已始覺亡金大遑迫潛然出涕張徐呼謂曰男兒何不能慎一言而自令若是向非我卽此金不歸與若所爭得失何如也出金還之其人謀所以報者張不顧而去卽運使愷父也尤誠者字無僞授經吳門弟子百餘人景泰中誠爲秦府伴讀將之官徵束修於諸生歲荒不能得而吳人多釀酒酒不售則人抱一罌饋尤尤笑諾而置之家徒手入秦明年甲戌元旦大雪三日積八尺餘老穉莫能出戶誠父曰務樸遂取酒使蒼頭循門而飲之數日百甕皆

盡而所活人亦甚衆

陳文剛世居州巷和豐坊爲里中學究積善不求人知天
順四年某月縣西街郭恣家火文剛居其左僅障一土
牆而火不入飛越右鄰延燒三百餘家陳之檐霑棟宇
獨無少損

趙綱字希大能詩年二十九而卒有寄洛陽李秀才一絕
云未得吳公薦空憐賈誼才年年三月裏相約看花來
黃勉見之曰入唐人詩中未易辨也

錫山之半有楊氏園名涉林已不知其處矣獨傳其時有
王子行者年十二能詩詩曰半畝楊雄宅蒼蒼迹易尋
路緣芳草入門掩落花深更以寂寞景對君恬澹心何
人可同調邱內有鳴琴有如此風格而不自名家豈非

厄於年耶
過淇家藏邵文莊公一札一云病不能爲舅母志故託之
名公日來已減能任書丹矣可令毛傳同吾奴邵孝擡
石來三日可完就在此刻不妨一云甥書舅母志極宜
肅拜而後舉筆特因膝瘡艱於起跪竟省此禮故不敢
妄書拜以欺人也前輩真誠如此

文莊幼與同邑丁松年惠遠稱三奇童嘗同至洞虛宮嗣
龍山房道士年八十餘謂曰聞三君敏妙吾有王學士

壽先師祖文千餘言能誦十過記之當烹白鷺以進於是丁誦一過背之不失一字惠誦二過訛四五字邵細讀三過又側聽二子背誦各一訛十餘字道士大笑進鷺既去謂弟子曰邵子深沈寡言舉止不苟此遠大之器二子質敏而氣浮非其倫也時三人皆十餘歲又三年而丁以儒士第一人應舉不第尋卒惠後仕終順天通判悉如道士言

邵文莊尚書第作十二景有曾侍堂泥金畫仲尼居曾子侍像於屏容春精舍度藏書萬卷其中後燕居亭亭傍一齋祀祖存一公小像其南爲嘉樹亭庭以石子壘八卦象曰八角臺臺西置九畹畹各滋蘭九本名蘭畹曾侍堂右鑿小池種荷名思濂沼上有石梁曰光霽橋其傍多竹名靜深徑堂前有石二取其形似名之一曰圭一曰冕又一石如屏者出西蜀種蒲其上曰雪浪菖蒲石爲地不甚廣而取名特多

邵文莊有茶田十八畝在二泉書院右偏引泉灌溉水旱無虞令惠山寺僧承佃以供夏月施茶之費文莊沒後寺僧爭佃護雲關不二門上彌陀下彌陀等六庵輪年耕種但資山僧口腹暑月行人不復沾施茶之惠矣邵文莊曰文獻通考言惠泉甘美置之第二不忝但未知

康王谷水何如余飲惠泉舊矣後飲康王谷水未嘗躍然驚也余友劉鎮江績亦稱惠泉第一又杞園文集載康熙間有題泉上云劉伯芻論水之宜茶者七自一至五余皆得而酌之澂泐甘冽未有如惠山石泉者迺強抑之第二不知何意然世之妄庸巨子謬秉衡鑑既經品第遂莫敢異議亦與此同歎矣康熙二十四年春三月望日牟山張貞題

秦仲孚爲修敬封公季子與其兄永孚並以孝旌秦陵卽阼賜冠帶嘗作溪山清興堂清遠閣結亭於後圃顏曰滌煩九日詩云抱病忽聞佳節至獨攜藜杖強登臨黃花笑我容還瘦綠酒盈樽手自斟處處辭巢知社燕家家悲杵送秋音不堪覽鏡頭如雪折得好枝懶去簪次日得疾不起見朱彝尊靜志居詩話

王文簡士禎清談錄云明無錫黃公祿善方脈而能詩嘗詠雪毬云六花平地捲成毬不待雲斤月斧修萬古太陰深合處一團元氣未開頭金盆忽送來瑤島銀索難將挂綵樓只恐明朝易銷歇長江滾滾逐東流人稱爲黃雪毬

西神叢語秦樂易鎧自述云不求利達不憂貧不羨神仙學養真留得一區方寸地儘堪康濟百年身嘉靖丙申

樂易年七十一矣偶夢得詩一聯花吐鮮穠怡老況天
留強健報清貧至庚子季子涵次孫禾秋試並捷癸卯
孫梁復領鄉薦壽至七十有九

金匱山永樂中爲土人強善二所據其居廬燬於火知縣
盧克敏去瓦礫加善土環蒔松竹後成僉事始終解組
歸築室山下曰錦江船曰海岳軒

二泉之上有小洞洞口方廣丈餘石上古篆玉雲幽洞四
字顧九霞卅時猶及見之

呂元夫御史卣子生有異稟風姿玉立卣未第時爲諸生
有名富人朱氏以女字元夫及卣三試不第家益貧朱
欲離婚告於邑令令受其屬而難之會諸鄉賦長以朔
旦朝令令曰呂君雖貧其才足依非長貧賤者朱意如
此旣難強合諸君亦有願與爲婚者乎有侯清者素慷
慨好義出曰願贖呂君子令大喜立取一朱綺爲呂子
聘元夫於是居侯甥館十年舉進士授禮部主事改吏
部武宗卽位元夫齎詔江南至邑露冕使車中人皆聚
觀朱家大市橋西其女壻不慧常居母家於隙中窺焉
一夕恚恨死

顧洞陽可久在武宗世宗朝以直諫再被廷杖臀肉盡脫
割羊臀補之後生少子起東臀上有羊毛至孫猶然

手金全圖卷一 卷四十一
三
鴨城華氏傭曰犢侶甚勤力久之辭去爲頭陀以下相術
游四方從一貴璫入京劉瑾召問之頭陀知不可正忤
請間言曰公相貴不可言僧亦不敢言恐公見縛付西
市也瑾心竊喜居之密室頗參計畫及瑾有異謀爲辭
誓神頭陀遂竊之以告張永因發其事瑾既誅將召論
功已遁去矣

陳廣者字似源儒家子孤貧與顏某有通家之好顏衣食
之廣無能強飯酣臥而已有風疾顏厚之不少異顏有
仇家賂其侍婢置毒餅中以進廣微聞之不泄遽攘主
人餅而食之左右方以爲怪頃之廣嘔出細蟲無算問
之終無所言及婢夜逃人始漸知其事而廣風疾遂頓
除年至九十有八

張通參選大節甚著臨終謂吳諭德曰先輩身死國事如
施御史許給事諸公皆未與祀典吾累陳之有司未之
信也我死勿置我鄉賢以增吾愧

嘉靖中華學士察奉使朝鮮之十七年其族子重慶爲倭
所掠遇風漂抵朝鮮見其王自陳所由王知爲華氏子
并其同俘十三人遣使護之送過鴨綠江爲請命於上
詔賜還鄉其國臣復爲詩四章以贈別其一云異國逢
秋早金風落井桐鄉閩江浙外身世海天東阻折干戈

無金金匱... 地依稀魂夢中愁多宋玉恨誰慰遠人衷重慶習騎射
後授武職萬厯中關白蹂躪朝鮮重慶上書請纓願隨
王師出援屬國雖不果行論者壯之

黃太僕正色戍瀋陽終日匡坐讀書所攜通鑑綱目偶失
一帙無由借鈔乃濡筆追錄所記以補之後勘某事分
註中訛兩字而已

藏春院造於成化中舉人高政政性豪侈爲監利知縣歸
爲院於高家街日選曲中豔異者居之每忘晨暮後人
有懷川者效之竟至敗死廢後六十年而王召水西樓
繼之召故仲山之兄也年二十舉進士由主事出判禹

州以放誕奪官歸乃創水西樓於試泉門外在梁溪之
曲召致吳越名豔聚處其中與錢憲顧可宗結肆情之
社游娛若恐不及仲山作藏春塢詩以諷之其詩曰玳
筵羅綺醉淹留狼籍簫箏去不收猶恐彩雲容易散明
朝重上水西樓

蔡少卿亨初爲南陵教諭既五年有都吏謂曰得三百金
可擢知縣亨黽勉欲從其請夫人以事未可必勸阻之
遂得淮府伴讀厯興府教授皆不得意鬱鬱赴官亡何
世宗入繼大統亨以潛邸舊臣拜光祿少卿尋遷太常
大被知眷相傳時有如蔡氏者蘇人本漁家女微時曾

記識亨及入宮被幸上問廷臣中有親族否則以亨對自是代來之恩加之戚里顧遇彌渥鄉人稱皇親今其諭瑩猶在

胡原荆濬以建言削籍大節朗朗朱彝尊靜志居詩話云原荆里居任俠結客所識窮乏多受其恩歿後王承父爲具狀屠緯真爲銘墓王元美爲作傳咸盛稱之當是實錄而邑人記載多述其居鄉豪橫與王石沙瑛同譏自不可信華水西鑰許心餘世卿王仲山問俱不免於謗訕亦難乎其爲君子矣

伍氏著林居漫錄吾邑正嘉隆萬先輩受斧鉞誅者二十

三人譏訶者不可勝數顧端文見之流汗及踵曰吾邑其爲互鄉乎拏舟而往不惜顛顛辨白者三晝夜十削七八見趙夔陽聞見錄

萬厯間播州酋楊應龍旣平獻俘闕下時候少芝先春在諫垣念酋諸幼弱無辜詣同鄉刑侍嚴化卿一鵬屬其疏請自十五以下皆赦免嚴以恐觸上怒謝之少芝復集諸同官議僉名具疏以請同官俱託故辭少芝乃獨抗疏上言竟得旨赦免此事少芝遺命毋載墓志是以邑志傳俱不載

五里湖之廟堂里其居人多徐姓偃王後也正德初有名

無錫金匱縣志 卷四十一
黃毛三者多膂力能掣奔牛尤墓有石虎以足蹴之陷地會劉六劉七叛三偕其里人吳用朱光又大浮山農楊敬楊龍應募爲兵隸指揮王景陽部下後從征岑猛於廣西爲猛所得欲降之三罵賊賊拔其舌而醢之楊龍吳用亦不降見殺朱光楊敬夜走僧菴竊其刀薙髮乃逸二人少嘗讀書光後舉廣西武舉頗有名卒於粵敬嘉靖初爲把總歸死故鄉

顧南野聘尤洵美鈿訓子叔時季時隆慶己巳春開館試以文叔時剎那脫橐洵美覽之色變連呼曰誤矣誤矣令隨侍兩奴扶挾叔時於師席整衣冠而拜之南野駭

問曰翁二子並爲國器而叔時搏控陰陽埏埴造化之手也吾可覩然令其北面乎於是陳雲浦以忠議與叔時爲友季時師之

萬曆庚辰孫少宰繼臯分校會闈得顧端文公及南樂魏崑溟卷以呈主司申文定公文定笑曰殿元鑒賞不虛此南北兩解元也拆號果然文定亦殿元亦頗以此自負

萬曆壬午闈中閱卷已竣待曉發榜矣分校徐司理民式將就寢鼠嚙其足者三因於暗中抽一落卷急起秉燭閱之以呈主司沈龍岡鯉沈晴峯懋學俱咨賞不已遂

中式卽高忠憲公卷也

尤氏自晉江徙居無錫許舍山文獻公輝嘗構一堂上梁日龍見榜曰逢辰後文簡公表莊定公焞相繼戊辰登第其後府丞魯嘉靖壬辰參議瑛嘉靖甲辰方伯錫類萬厯庚辰龍見之祥久而猶驗見尤侗西堂雜俎

安吏部希范歸田之後常閉門讀書數月不出家本華膺出則乘一畫船綺窗十二繪張季鷹蘇端明米南宮諸賢於其上寄託旣遠賓從甚都吳越山川遊賞殆遍不獨仕路升沈不挂於中卽周旋東林間亦復頗用我法袁宏道曰余不嗜酒而有茶癖居江鄉日與泥汁滲潢爲

偶吏吳以來每好事者設茶供未嘗不自笑然務煩心懶十未得一及居錫城往來惠山始得專力於此一日攜天池鬪品偕數子汲泉試茶一人突問曰公今解官亦有何願余曰願得惠山爲湯沐益以顧渚天池虎邱羅芥如陸蔡諸公者供事其中余得披緇老焉勝於酒泉醉鄉遠矣

天啟壬戌江夏賀文忠公逢聖入闈禱於天願得真士被夢神語云明日閱第一卷真士也賀瞿然起得華公允誠卷大加歎賞是科會元爲竟陵劉仕徵必達亦出文忠門衆舉以相慶文忠曰仕徵固不愧前輩此中更有

一士倦日當爲國家倚賴蓋指華也癸未文忠成仁於楚中戊子華公殉節於白下羣服賀知人而華不負所知云

天啟甲子鄉試榜將發馬封君希尹夢其亡室徐垂淚語曰忠臣不事二君烈女不更二夫寤文肅公中式報至向甚不解又文肅幼時夢中嘗詠從今別卻江南日化作啼鵑帶血歸後讀文山集見其語每自詫及甲申三月垂縊作家書因及之忠臣孝子亦有定數耶

王福州永吉前爲定興令會乙丑歲科臣魏大中被逮擬贓五千舉人孫奇逢釀金救之謀於永吉永吉立出白金付孫且復書曰金不於此處用便爲天地間無用之物一時傳之以爲名言

天啟乙丑八月將毀東林書院高忠憲公夜召儒學吏潘守命之曰書院毀矣惟是燕居廟孔子神位豈可俱毀吾念惟文廟復壁中可藏特以相託毋泄乃呼燈躬奉神位付潘明年公及於難其後燕居廟再建潘之子華言於衆乃迎而祀焉

姚希孟譟葉司空神道碑云哲皇帝之四年御史中丞楊忠烈公率廷臣排擊逆閹勝負未分微聞閹與妖姆表裏爲奸有龍焚燕啄之事忠烈首發之未著也先帝富

於春秋罕思後圖希孟以是秋入都道經錫山閒適葉公相顧舟中搯腕時事擅余而別曰公行矣好語諸公宜思其大者信邸出閣講學此今日本計也希孟謹識之至乙丑丙寅間闖禍大扇國統幾搖荷祖宗之靈今天子纘承大寶掃除熏腐海內手額中興而公一言爲之嚆矢始知老成憂國片言扼要如此

崇禎戊寅嚴司寇一鵬年九十詔賜存問設龍亭於迎潮館敕使以下朱衣搢笏騎而導前司寇朝服郊迎又伏候於里門至第宣讀詔旨朱顏白髮拜舞婆娑通邑聚觀歎爲人瑞嚴爲萬厯丁丑進士至是前一載丁丑邑

中第者七人持年晚生刺謁嚴嚴出見笑謂曰今日承諸君不棄老耄他年丁丑又有後來者援例謁諸君也胡時忠進曰是時晚生輩又率諸後來以謁先生耳一時大笑人推胡辭令之善

朱沛泰伯鄉人上世以軍功顯沛生而駢脇驍勇絕人能力格牛鬪嘗舟行遇盜數十人手殲之焚其舟奪其資以賑貧者明季流寇鴟張從征有功例擢爲將軍當事忌之奪其功沛曰飛將軍不侯固有命焉謝病家居及卒鄉里感其恩義會葬百有餘人無不流涕因名其壟曰朱將軍墓

鄒叔介兌金崇禎丁丑公車北上渡江泊舟金山狂風大作叔介見有覆舟招手疾呼出金援救衆操舟競援活十一人獲死屍十九復捐三百錢設救生船二十餘艘號紅船至今好善者踵行之叔介賫貲既罄竟歸不復赴試子卽殿撰忠倚

馬忠肅世奇殉節京邸報至遠近赴弔獨周公茂士彥以紅柬稱賀

龔節愍廷祥於乙西南都破時投武定橋河死其絕筆訓子云吾自正月出門與母執手相別意欲得一誥封以榮父母四月十八日果命下準誥封吾事濟矣時方欲

一見老母以殉國事不意五月十一乘輿播遷晨同吳年兄到水西門欲出去白刃數重把截回又至十三日早晨易服出城又有多兵將刀鎗亂加縛至城上吾命已該絕終以不見老母爲恨亦思此心何心甘事二君乎汝輩要小心謹慎奉事祖母切不可務外事切不可得罪於人致惹災禍吾雖在地下有餘榮矣吾生平事欲學古人所以至此念之愴然此字節愍歿後百有五年其曾孫任道尙藏於家

秦大音鏞初爲清江知縣一日撫軍郭都賢過清江屢報而秦不出迎及郭已過役懼更白乃大驚追謁及於前

途深自陳謝偶爲一文實未省旌節之早至也郭笑曰
今文何在遽出懷袖中郭竟讀乃大稱賞歡噱而別
秦大音與從姪孫松岱書云僕居千休館杜門已久擬詣
靈巖訪徐昭法中止此意賢姪孫當喻之比來想造
詣益深惟勇於任道氣質未融善用之則爲剛不善用
之則流於忿宜令心氣和平以還太虛之體

前復社無錫十六人馬世名秦鏞王孫蕙顧杲高廣華廷
獻黃家舒黃時亨王孫芝王延禧王玉汝黃鍾亮秦鏗
馬瑞吳維藩季廷燦後復社無錫十一人侯具源侯宗
源秦德滋華延賓浦廷卿周如直楊廷棟楊廷柱楊之

傑呂陽唐德亮見貴池吳孟堅復社姓氏錄

明季有聽社十七子無錫十五人華時亨秦鈺黃家舒顧
宸顧煜王延禧王玉汝繆振光呂陽秦鏗唐德亮吳濯
時馬瑞王永肩黃傳祖常熟錢陸燦長洲許王儼聽社
者文社也其時又有涯臻詩社共九人呂自咸孫漢廣
秦德滋秦人在秦德淇黃傳祖黃芝錢星客 國初邑
之工詩歌古文者結雲門社於惠山睢州湯文正斌長
洲汪琬慈溪姜宸英皆來會邑中凡十人顧景文顧貞
觀秦保寅秦松齡黃瑚嚴繩孫鄒顯吉劉雷恒劉霖恒
安璿康熙間始著社禁有蓉湖七子劉齊吳世焜施燾

劉學洙秦道然吳遵錫孫祁雍最後有敬業會顯達者
爲張文恪秦開他如曹輯五顧預顧景華宏憲顧贄錢
基皆登科甲然會以時藝人才不若從前之盛矣

顧宛溪祖禹弱冠時貧甚爲里塾師歲得脩脯止六金以
牛與婦俸就養婦翁家餘盡市紙筆燈油題其館曰夜
眠人靜後早起鳥啼先其自勵如此著方輿紀要日草
數條或以事曠必夜不寐以補之熟於山川阨塞戰陣
攻守之略會三藩用兵崎嶇閩浙迄無所遇嘗題淮陰
侯廟云重瞳帳下未知名隆準軍中亦漫行半世行藏
都是錯如何壇上會談兵蓋自況也

順治乙未秦對巖宮諭年十九官庶常試詠鶴詩有高鳴
常向月善舞不迎人之句

上指示閣臣曰此人必有品置第一重人索額圖嘗欲要
致之屢致饋問竟不報

嚴藕漁中允薦舉鴻博考試日以目疾僅成省耕詩一首
已不錄

上親閱卷得之曰史局不可無此人諸臣不聞唐祖詠南
山陰嶺秀二十字入選乎旣入翰林其記

恩詞調寄南鄉子有何意片詞親檢自
楓宸九死從今敢負

無錫金匱縣志 卷四十一
恩之句

陸鐵莊楣家貧自力於學爲村塾師朱大占旂避雨村舍見其文大奇之爲延譽於其座師秦對巖延之至家名大起嘗偕華疑修王澄至京師王崑繩源劉繼莊獻庭咸與訂交楣不欲久居賦鴈詩以見志有河朔草深多羽箭江南水淺足菱蘆之句浩然竟歸

惠山寄暢園有樟樹一株其大數抱枝葉皆香千年物也聖祖每幸園嘗撫玩不置

回鑾後猶憶及之問無恙否查慎行詩云合抱凌雲勢不孤名材得並豫章無平安上報

天顏喜此樹江南只一株迨

聖祖賓天此樹遂枯亦異事也

鮑震西者邑諸生性至孝授經里中暮必歸省父母學有原本尤能考核六書字畫音義家貧與弟同居不析爨有二子亦孝友季子館侯氏供餅餌果物必歸奉大父母不敢先嘗其往返可計步以俟不爽晷刻世傳其歿爲淮陽侯頗誕

嵇國斌字朗亭乾隆間官瓜州守備瓜州京口剪江官渡船向來肆意需索商旅苦之國斌至任定其值毋許多索每船首懸片瓦書朱押令被索者但碎其瓦毋庸稟

無錫金匱縣志 卷四十一
三
訴國弑逐日點驗瓦碎者重懲之另給瓦行李稻梗又
定救生船賞格救一生人賞錢四千撈一死屍賞錢一
千且施以樁卽順天府尹承志父也

過虞封者邑之八字橋人名應桐性孝友兄某失意於舅
氏應桐排解不能釋舅訟之官兄理不伸將受杖應桐
念兄與試匍匐乞代杖又嘗拾遺金候其人還之戚友
以艱窘告無不爲之籌畫人皆義之子伊烈亦有父風
元時百三歲翁王祿軍將山中樵者也明有周受誼生宋
景定歷元至明百十有六明太祖召見賜之酒復其家
後茹文中百有四英宗召見賜冠帶宴之順天府又有

陳復我百二歲周文襄以國耆旌之秦辰溪言幼時見
其曾祖遺一扇有游惠山詩云稀歲挾侶游茲山重來
忽踰三十年山川草樹尙依然同游諸君無存焉末署
五浪山樵梁彙計其年亦百歲外矣

國朝邑紳壽至九十者惟秦南沙南沙年五十二登第官
給事中以藩邸事下獄得釋年已八十又踰十年而卒
鄒小山張文恪兩宗伯先後引年致仕鄒壽八十有七
張壽八十有六大學士嵇文恭科名最早以乾隆庚戌
會進士後同年越甲寅卒壽八十有四

乾隆五十年奉

旨特舉千叟宴惟時吾邑大學士嵇璜實爲漢大臣領班
國老舉人龔濬亦以耆年得與庶老之列越十一年爲
嘉慶元年奉

詔復舉舊典吾邑封知府馮熠縣丞張一飛議叙州同孫
文偉孫璽朱勝章五人皆與前後並蒙

賜詩章鳩杖如意綵緞等物

姊志弟墓古所未有明初有張貞素者爲其弟志曰張存
字元理子母弟也子父諱秉恒世居無錫梅村仕爲處
州龍泉尉子母葉氏艱於得子日夕拜禱觀音大士見
形窗前於是子母得孕而生弟弟白皙如脂聰明俊朗

有詞藻年十三爲諸生十六應試與溧水齊宏軒德試
席相聯至晡時宏軒忽被疾予弟代爲完卷弟不成名
而宏軒爲解首洪武丁卯也乃與弟結兄弟交弟之大
禍始此矣後宏軒改名泰而登第宏軒感恩娶以姑之
孫女延之宦所宏軒旣獲上寵遇日隆奏弟爲鴻臚通
事舍人宏軒筆札皆弟代草使燕偕行交游猜忌上下
側目及燕兵入金川而宏軒族誅有讐予弟者謂泰啟
諸藩之釁皆予弟謀指斥諸藩之檄皆出弟手捕弟入
都與其姻黨百人共繫詔獄鐵帚刷膚銅箸烙骨越旬
潰爛死鄰友吳太熙罷龍江關大使居京師收弟骸負

無錫金匱縣志 卷四十一
之歸予買地堠山之西葬焉弟生洪武五年壬子正月
望日受禍壬午十月朔日妻袁氏先卒子應龍方七歲
嗟嗟弟被逮之日父黨母黨之指以百數莫有一盼之
者又安能志弟之墓哉予憂其行湮沒不彰聊敘其實
一書於棺上一書於屋壁以俟應龍長而觀焉安效寡
妻張貞素謨并書

邵文莊仲女迎恩嫻於詩適諸生吳汝憲文莊題其詩稿
曰關雎餘意文莊集有病中無聊命第二女鼓琴詩

侯主事鼎鉉母王早寡以節著年七十餘而卒遺詩訓其
子凡千餘言曰憶余遠嚴慈十六締家室舉案傲齊眉
相莊友琴瑟屈指甫十春昊天降酷烈摧我連理枝折
我雙飛翼號天天無光哭日日無色聲咽不成啼淚盡
繼以血漿粥不沾脣寸腸痛碎裂誓死三尺繩微軀奚
足惜睠顧膝下孩難割此雛孽更思腹中兒抱血不忍
擲余母涕交頤勸余姑進食因以偷餘生課兒任厥責
長兒歲八齡腹兒僅濡沫寸壤望喬嵩疇年幾成立呼
兒夜讀書篝鐙事剪尺中夜每悲啼蟲聲答唧唧兒或
荒於嬉童心玩歲月雖愛能勿勞提誨敢姑息操杖薄
責之未下余手怯懼負九原人又憐兒啼泣踟躕涕漣
漣擲杖淚流臆翁也憐孤兒以祖代父職諳諳踰蒙師

每自坐師席翁又殞大星悲腸倍百結雀牙外侮來榛
棘世途仄黽勉督吾兒焚膏繼祖業乙卯幸邀天兒名
廁賢籍豈不破愁顏歡中帶慘戚父也苦埋頭未展雲
中翮孺子席其餘父又弗能覲撫此泥金書霑淚幌巾
濕呼兒立庭中訓以父遺德父行勵皎霜父襟霽白日
雖云給舍兒寒素乃厥實初余歸爾家規余謝綺飾父
惟知讀書余亦惟衽織閉戶寡見聞幾不辨菽麥口不
言錢刀言之頰發赤蹙躄行道中途人罔有識檢身如
處娃恂恂慎口舌古樸羞徑趨偃庭無履跡入室儼大
賓燕居屏狎客天性惡繁華布袍數浣滌不獵豪俠名

不蹈貴兒轍不隨世態羶不因家勢熱笑彼齷齪者胡
爲戰蝸國立志奮鷗鵬餘人盡鶩鴨趨步慕聖賢矢心
恥苟得或以阿堵歆髮指怒翹憤或以尺牘干手裂紙
飛陌豈謂我性柔乃以腐鼠嚇我故童子鴻不愧父清
白卽之則溫良犯之仍巖嶮括囊慎有餘干霄氣莫遏
義交恒澹如不爲囁嚅密一二道誼朋締好比膠漆蓼
水有徐君筆硯相晨夕共披忠烈書拍案稱快絕相對
評古今達旦夜不席其性煦於春其腸勁於鐵立志邁
千秋傷哉中道折小子奚有能父慶所流溢勉矣毋忽
忘鏤鉢父遺則兒乃幸速飛薄種小有獲公車踰十年

偷蔭耽游逸青雲阻半途九原心愈惻兒雖已眉鬚命
跪爲兒述兒時戲以嬉父惟勤以飭兒時近狹邪父絕
平康迹兒時被綺羅父衣惟毛褐兒時饜臙甘父惟呷
羹汁兒時娛管絃父不曉笙笛兒讀荒歲時父讀忘水
雪兒館塵封几父館晝下鑰父耕子乃畚天眼從古碧
兒顧自滿盈竟爾忘先澤匪余覬冠帔責兒如此急慮
兒壯志灰懼兒中道跌黃泉望欲穿待兒賁幽蹟能無
涕滂沱爲兒絮言說丁丑倖春闈仰藉先人烈况出黃
師門山斗幸不逃寄東馳長安茲售良可悅余愧未同
歸已蒙荷旌節父行多隱潛仰乞如椽筆吾爲一開顏

得爲素願畢忽聞除齊安未免哀惶迫正處驚愕時曦
孫藝蘭茁俯仰四十年悲歡判今昔然余懼盛盈徼天
大耀赫一子拖綬紳一壻先袍笏雛孫髮覆眉叨榮復
烏奕月滿防其虧日中憂其昃兒曹來吾前嬾媳喚俱
集旣已勒兒箴亦思勒婦式勿以泥沙侈勿以燕安溺
勿以珠玉誇勿以簧舌惑常思富可貧貴亦可賤易夜
月理機絲朝嗽就盥櫛知余晚向榮不知早茹蘖如何
口捋茶遺茲田與宅如何厯險巇屈茲脫岑寂哭夫哭
次兒順少恒多拂哭翁哭母姑喜一愁恒百榮枯倏忽
移衰盛古今驛男行祈瑜全婦職無圭缺長此交相成

內外各努力毋學世途儂吾自安吾拙蒼天不負人施
償理自直余語不厭多聊以代砭石止此不更言祈早
歸同穴聚首可千年少補存亡隔曷願海籌添曷畏夜
臺黑合掌叩蓮臺真性勞收拾撒手卽歸家笑與兒孫
別此詩藏篋中留與他年刻鼎鉉舉進士出黃忠端道
周之門後忠端妻蔡見王詩驚賞爲賦詩二十四韻一
時傳之時順治庚寅距王之卒六年矣

王朗字仲英秦宮諭松齡之嗣母也父金壇王彥泓才名
籍甚朗有夙慧歌詩小詞及畫水墨梅花並稱絕調自
號麝提道人龔節愍之女靜照亦能詩善寫生有永愁

人集亦曰鵲紅集秦宮諭從妹晚芬亦工詩中年長齋
繡佛宮諭有和其五十感懷之作又有秦清芬者工詞
其鷓鴣天云偶剝瓜仁排卍字漫將椀底印連環無事
上眉彎傳於世識小錄指爲顧文婉詞誤矣

顧梁汾貞觀有二姊一爲進士侯麟勳母一嫁華子瞻並
有才藻而麟勳母文婉尤著與王仲英相唱和徐電發
欽詞苑叢談錄其浣溪紗詞三闋梁汾戲效杜少陵七
歌云有姊有姊號能文長者曹昭次左芬鍼神弟子盡
北面繡成賣作金縷裙又有堵霞字綺齋知縣廷菜女
適諸生吳元音詩詞書畫靡不工妙續圖繪寶鑑盛稱

之

薛瓊字素儀李芥軒崧繼室也雅善詩詞夫婦白首偕隱
有梁孟風子大本亦能世其業婦人以才著而無缺陷
者人推素儀嘗同芥軒賦沁園春云利鎖名韁蠅頭蝸
角且自由他幸瓶中鼠竊尙餘菽粟畦邊蟲螯還剩蔬
瓜隨意盤餐尋常荆布無愧風流處士家齊眉案看鬢
霜髭雪漸老年華何妨嘯傲煙霞喜到處徜徉景物賒
且籃輿同眺青山紅樹篷窗共泛白露蒼葭出不侵晨
歸常抵暮稍有囊錢便買花隨兒女各經營耕織檢點
桑麻同時顧瑩才名亦相似爲舉人華達母著青湄詩

草又有戴淑仙著繡虎餘音

華瑤字青琴教諭希閔女歸於殷爲古今體詩才筆卓犖
不類婦人讀于忠肅傳云土木驚心北狩年豎儒無識
議南遷中朝借箸推司馬絕徼揮戈走也先盟誓千秋
嗤趙宋山河一寸重幽燕滿腔熱血終教灑東市朝衣
爲黯然而有讀史十絕其一云嘗膽三年方報越美人
一笑竟亡吳屬鏤何不誅元惡留得西施泛五湖時有
孝女孫旭嫫亦工詩有巾幗而今有腐儒句蔣衡大書
巾幗腐儒四字作橫卷一時題詠甚多

徐蘭英進士孫洙繼室幼慧學詩於杜太史詔又從蔣衡

受筆法能擘窠書時有秦雄鏤繼室過清芬亦擅才調
其述况云多謝天公連日雨全家送上首陽山又有過
錦繼室蔡如玉工花卉翎毛亦能為小詩

鄒若瑗諸生士起女嘗刲股療母疾適國子生朱汝綸為
詩旨格清遠其夜泊丹徒云落月挂江樹蓬窗四月秋
夜潮回客夢何處是揚州延清閣夜坐云虛綠搖窗鏡
影空庭梧瑟瑟翦秋風水晶簾外朦朧月人在秋江碧
練中若瑗女適秦侍郎瀛亦能詩其潞河歸舟作有千
里歸帆渾似夢綠楊影裏畫橋西之句見吳騫拜經樓

詩話

寶貞淑者字湘晚諸城人總憲寶光寵幼女能詩善畫
父歿隨其生母居蘇州未嫁而天總憲門人秦侍郎葬
諸忍草庵側給僧田三畝守之舊志有
此條以非邑人又非流寓故改從附識

劉汝藻國子生楊陞葵妻以節著能詩有筠心集顧翎字
羽素教授敏恒女適國子生楊毓勳顧氏累世風雅翎
亦習為詩與弟翰筠蕙生相倡和有綠梅影樓詩詞年
七十二卒甘涼道顧光旭孫女曰點梅幼以詠梅詩為
大父所賞因以為字適諸生楊萬藻其春柳詩采八閨
閣正始集道光中河督麟慶母惲氏所選也編脩劉嗣
綰之妹琬懷亦工詩適金壇虞氏有問月樓詩詞近時
有顧翠雯者詩亦清婉有漱霞軒吟草鄒壯節幼女佩

蘭適候補知府華蘅芳每以零縑斷紙寫所作詩詞人無知者既卒蘅芳梓其遺篇曰紉餘小草

王寡婦失其氏居大婁巷破屋臨街獨居紡織邑潘翁素卹孤寡歲暮取懷中金由戶外投之婦怒罵擲之街心潘故與婦鄰王某善乃介其一言婦曰縱周之周之不以道不受也顧觀察光旭作詩誌其事

萬安鄉醫生賈石香者病篤有卜者妄言禍福謂其家今年歲當死一人石香妻張是夜默禱竈神願以身代溺水缸死石香竟愈聞者憫之嘉慶二十二年事

王新城蠶尾集有梁溪僧岳蓮過訪彈琴得詩云上人白足侶來自錫山岑衲衣鴈門雪懷抱龍脣琴幽蘭楚人唱大雅漢宮吟請師回玉軫寫余山水心

停雲館石刻爲文衡山父子摹勒衡山嫁女遂入奩中後輾轉歸鎮洋畢尙書家嘉慶初爲馮集梧所得其石不全而武進劉氏藏數十石則得之常熟錢氏者兩家各出所搨合之乃爲全本道光十八年邑人竇承焯購得劉氏所藏凡三十五石與趙某分之咸豐十年經亂殘毀今存二十餘石分藏竇趙家

無錫金匱縣志卷四十一終
即大無萬宮創制洞回至鍾寫余山水心
刻雲前心以為文而山父子墓傳滿山教文滋入奇甲送
無錫金匱縣志卷四十一終

無錫金匱縣志卷四十一終

